

176
98
/

Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu politiku,
raseljena lica i izbjeglice

P R A V I L N I K
o postupku direktnog sporazuma u Ministarstvu za rad, socijalnu politiku, raseljena
lica i izbjeglice Kantona Sarajevo

Sarajevo, januar 2015. godine.

Na osnovu člana 56. Stav 2. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), člana 90. Zakona o javnim nabavkama Bosne i Hercegovine ("Službeni glasnik BiH" broj 39/14) i člana 8. Pravilnika o postupku direktnog sporazuma ("Službeni glasnik BiH" broj 90/14), ministar za rad, socijalnu politiku, raseljena lica i izbjeglice Kantona Sarajevo, donosi

PRAVILNIK
o postupku direktnog sporazuma u Ministarstvu za rad, socijalnu politiku, raseljena lica
i izbjeglice Kantona Sarajevo

Član 1.
(Svrha i predmet pravilnika)

Ovim pravilnikom definira se postupak javne nabavke roba, usluga i radova putem direktnog sporazuma u Ministarstvu za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo).

Član 2.
(Uslovi za primjenu postupka direktnog sporazuma)

- (1) Postupak direktnog sporazuma se može provesti kada je procjenjena vrijednost istovrsnih roba, usluga ili radova na godišnjem nivou jednaka ili manja od 6.000,00 KM bez uključenog PDV-a.
- (2) Ministarstvo može tokom jedne godine za isti predmet nabavke potrošiti do 6.000,00 KM putem direktnog postupka.
- (3) Ministarstvo može započeti postupak direktnog sporazuma ako je takva nabavka predviđena planom nabavki ili kada ministar donese posebnu odluku o pokretanju direktnog sporazuma u skladu sa članom 17. stav 1. Zakona o javnim nabavkama ("Službeni glasnik Bosne i Hercegovine" broj 39/14).

Član 3.
(Principi dodjele direktnog sporazuma)

Postupak direktnog sporazuma se provodi transparentno. Ministarstvo se u postupku direktnog sporazuma prema kandidatima/ponuđačima ponaša jednako i nediskriminirajuće, na način da osigura pravičnu i aktivnu konkurenciju, s ciljem najefikasnijeg korištenja javnih sredstava u vezi s predmetom nabavke i njegovom svrhom.

Član 4.
(Početak postupka)

(1) Procjenjivanje vrijednosti nabavke koja se dodjeljuje direktnim sporazumom vrši se u skladu sa članom 15. Zakona o javnim nabavkama.

(2) Procijenjena vrijednost nabavke može se bazirati ili na cijenama prethodnih sličnih nabavki i/ili iz dobavljačevog kataloga i/ili iz istraživanja tržišta koje je prethodno urađeno i/ili je urađeno u vrijeme konkretne nabavke putem direktnog sporazuma. Procijenjena vrijednost mora biti važeća u trenutku kada ministarstvo zatraži prijedlog cijene ili ponudu od jednog ili više privrednih subjekata.

(3) Postupak direktnog sporazuma započinje donošenjem odluke o pokretanju direktnog sporazuma u pisanom obliku, koja obavezno sadrži:

- a) zakonski osnov za provođenje postupka javne nabavke;
- b) predmet javne nabavke;
- c) procijenjenu vrijednost javne nabavke;
- d) podatke o izvoru – načinu finansiranja

Član 5.
(Izvršenje postupka)

(1) Ministarstvo ispituje tržište te traži pisani prijedlog cijene ili ponudu od jednog ili više privrednih subjekata koji obavljaju djelatnost koja je predmet nabavke.

(2) Nakon što primi prijedlog cijene ili ponudu od jednog ili više ponuđača, a prije zaključivanja direktnog sporazuma, Ministarstvo:

- a) pregovara sa ponuđačem/ponuđačima o cijeni i/ili
- b) prihvata prijedlog cijene ili ponudu jednog ponuđača i/ili
- c) provodi drugu vrstu postupka definiranu Zakonom o javnim nabavkama

Član 6.
(Izbor ponuđača)

(1) Kod izbora ponude na osnovu koje će biti dodjeljen ugovor, Ministarstvo treba uzeti u obzir faktore kao što su cijena, količina, kvalitet, tehnički opis, estetske i funkcionalne zahtjeve, karakteristike koje se odnose na okolinu, vrijeme i period isporuke i sl.

(2) Ministarstvo bira ponuđača na način koji garantira najbolju razmjenu vrijednosti za novac. Kada vodi pregovore koji se odnose na prijedlog cijene ili ponudu, ministarstvo djeluje u skladu sa dobrom komercijalnom praksom.

(3) Kada traži prijedlog cijene ili ponudu, Ministarstvo daje ponuđačima određeni rok da pripreme prijedlog cijene ili ponudu, uzimajući u obzir kompleksnost nabavke

Član 7.

(Zaključivanje direktnog sporazuma)

(1) Direktni sporazum smatra se zaključenim:

a) Kod nabavki čija vrijednost iznosi do 1.000,00 KM, prilaganjem računa ili druge odgovarajuće dokumentacije

b) Kod nabavki čija vrijednost je viša od 1.000,00 KM, zaključivanjem ugovora sa ponuđačem.

Član 8.

(Prelazne i završne odredbe)

Ovaj pravilnik stupa na snagu danom donošenja.

Član 9.

(Prestanak važenja Pravilnika)

Danom stupanja na snagu ovog pravilnika prestaje da važi Pravilnik o nabavci roba i vršenju usluga manje pojedinačne vrijednosti broj: 13-05-32096 od 12.12.2005. godine.

Broj: 13-01-02-382/15

Sarajevo, 19.01.2015.godine.

